

«قیرغیز» قوم اسمک منشی

لودریغ ایملکی

بودا پشته داوالقونئندن مآذون تووکیات دوقتوری

تورک تاریخک الکاسکی واسکی دورلرینک تدقیق ایچون قوم وقیبله اسملرینک ایضاحی مهم بر واسطه تشکیل ایدر . حالبوکه «هون، آوار»؛ «بولغار» ، «پچنک» اسملری تحتندنه آکلاشلمه سی لازم کلدیکنه دائر، بو کون بیله، اکاوافق بر فکرمن اولمادینی شهه کورتورمن بر حقیقتدر . آنجاق شوقاداری محققدرکه بواسملر، برچوق احوالده ، اسکی تورکلرک پک مجهول قالمش اولان سیاسی تشکیلاتلرینی تنویره خدمت ایتمک اعتباریله ، مدینت تاریخه عائد مهم برر آبده ماهیتنددر . بونلردن یالکز اک مهملرینی ذکر ایتمش اولوق ایچون مثلاً «تورک» (۱) ، «اون اوق» (۲) ، و «اوغوز» (۳) اسملریله «قونستانقینوس پور فیروغهنه توس» طرفندن قید اولونان سکز «پچنک» (۴) قیبله سنک اسملرینی مثال کتیره بیلیرز .

بوموادى آتیده کی مقاله مزده «قیرغیز» اسمک ایضاحی ایله زتکیله شذیرمک امیدنده یز . بواسمک ایضاحی برچوق دفعه لر تجربه ایدیلش ایسه بونلردن هیچ بری صدره شفا ویرمیور . شیمدی به قادارکی تفسیرلر، خلق اشتقاقلری ده داخل اولدینی حالده، شونلردن:

۱. مشهور بر خلق افسانه سی کله یی «قرق قیز» دن اشتقاق ایتدیر بیور (۵) . دیگر بر افسانه یه نظر آ دورت قارداش بر اراضی به وارث اولمشلر ؛ واوچی آرالرنده میراثی پایلاشمشلر ،

- (۱) ژ . نهیمت ، کوروشی چوما مجموعه سی (KGS A) ، ص ۲۲۰
- (۲) و . تومن ، تورسیقا ، MSFOU ، جزء VII XXX ، ص ۴
- (۳) ژ . نهیمت ، اون اوغور، یدی ماجار ، دهنتموغهر (KGS A) ، جلد ۱ ، ص ۱۵۱
- (۴) ژ . نهیمت ، پچنکره دائر ، KGS A جلد ۱ ، ص ۲۱۹ .
- (۵) و . رادولوف ، قیرغیزله عائد مشاهدلر ، به ترمان بولتی ، ۱۸۶۴ ، ص ۱۶۳-۱۶۴ ؛ کنداک وامبهری ، تورک قومی ، ۲۶۲ . نظره شایاندرکه بو افسانه نک دیگر برچشیدی ، موغول خاندانی تاریخندن بحث ایدن Iuan-ši تاریخنده موجوددر . بونده ، بو قومک جدلری اولوق اوزره قرق چینلی قیزایله قیرق u-se ارکی کوستریلیور . بوندن دولانی ki-li-ki-se نامنی آملشدر دینیلیور . باقیکنز : و . شوت ، خالص قیرغیزله دائر ، براین آقاده میسی یازیلری (ABAW) ، ۱۸۸۶ ، ص ۴۳۲ ،

دوردنجیسنی ده «قیرگز» یعنی سن ده داغلری قیرلری گز دیهرک فوغمشلردر . بواوچ قارداشک نسلندن (اولو ، اورتا ، کیچی) قازاق عشیرتلی، دوردنجیسنکنندن ده «قارا قیرغیز» قومی حاصل اولمشر (۶) .

۲ — « وامبری » یه کوره بواسم «قیر» ایله گیز (گز) کله لرندن مرکب ومعناسی قیرگزن دیمکدر ! (۷) .

۳ - «رادلوف» ایلك دفعه اوله قرققویوز صاییلرندن براشتقاق اورته یه چیقارمشر (۸) . اسکی تورکجه کتابه لرینه عائد ملاحظه لرنده بومسئله حقدده کی قناعتی، بواسمک اشتقاقی تفسیری ایچون هیچ برامکان موجود اولمادینی، چونکه داها ۸ نجی عصرده «قیرقیز» شکلنک انتقال ایتیش اولدینی نقطه سنده در (۹) .

۴ — «برنارد مونقاجی» یه کوره اسم «قیراوغوز» یعنی (قیر اوغوزلری) کله لرندن نشأت ایتمشر (۱۰) .

۵ — «غ . شوپقا» ایسه کله یی «قیرقغوز» (قیرقغوز) دن کتیرتیور (۱۱) .

۶ — «شله غل» بونی «قیرقو» رنگلی، قمرزی و «یوز»، چهره کله لرندن مرکب عد ایدیور . وبونک ایچون اویغورجه ده کی کیرگیز، داهادوغروسی، «هاقاس» لرك قدیم تلفظی kit-ki et-se شکلنه وبونک « قیرمیزمتراق » صاری چهره معناسنه کلدیکنی سویله یین چین منابعنده کی قیدلره استناد ایدیور (۱۲) .

(۶) گک . آلماشی، قارا قیرغیزجه لسانیات نوظلری، کله قسه مله (K&Z) ، جلد ۲ ص ۱۰۹- ، ۱۱۰ هرایکی چشیدینی ذکر ایدیور .

(۷) تورک قومی ، ص ۲۶۱ .

(۸) موغولستان تورک قبیله لرینه عائد اتنوغرافیک برآجال، لایزیغ ۱۸۸۳ . ص ۲۱ - ۲۳ .

(۹) اسکی تورکجه کتابه لر ، اوچنجی جزء ، ص ۴۲۵ .

(۱۰) اتنوغرافیا ، جلد VI ، ص ۳۸۱ (بوداپشته ۱۸۹۵) .

(۱۱) آرکهئولوژی مجبری ، جلد XXXVI ، ص ۵۰۵ ، نوط ۴ (ماجارجه) .

(۱۲) قارابالغا سون اویغورآبدنه سنده کی جینجه کتابة ، MSFon ، جلد IX ، ص ۸۱ - ۸۳ .

شوراسنی قید ایتلی زکه برچوق احوالده جینجه اشتقاقلر ابوالغازی ورشیدالدینکنیلردن این دکلدره بونک ایچون ، یالکز قیرغیز کله سنه عائد یوقاریده کی تفسیر طرز لری و برده Sui-šu ٸك tu-küe (türkün) اسمنی « زره » اولارق ایضاح ایدن یرنی اشارت ایتک کافیدر . باقکیز: ده کینی، هونلرک و تورکلرک عمومی تاریخی جلد ۱ ، قسه ۲ ، ص ۳۷۱ (فرانسزجه اصلی) - ب. مونقاجی

۷ — «دهوه ریا» ایسه چینلیلر ك اثرلرنده تصادف ایدیلکده اولوب — معلوم اولدیغی وجهه — «قیرغیز» اسمیه بر عد ایدیلن kien-k^{un} (یه نیسه ئی) و k^{un} (اورخون) کله لرندن کتیریور. بردفعه kien k^{un} ك مطلقا qyrqyz شکندن مقلوب اولمادیغنی تسلیم ایدرسهك بونی پك جسورانه بر فرضیه عد ایده بیلرز (۱۳).

بوراده طبیعی ایلك ایش، بردفعه، مختلف زمانلر و منبعلردن کین وثیقه لری طویلامقدر. بو خصوصده یوقلق چکلمز؛ چونکه قیرغیز اسمی چین، یونان، گوک تورک، عرب، چغتای، عجم و موغول منابنده ذکر ایدیلکده در.

بونلردن اك موثوق و قیمتلی منبعلر، گوک تورکجه کتابه لرایله، گوک تورک اویمه خروفاتیه یازیش اوینورجه کتابه لردر. دیمک که مطلق بر صورتده شایان اعتماد اك اسکی وثیقه لر ۸ نجی میلاد عصر ننددر. چینلیلرک ویردیکی معلومات چوق داها اسکیدر. چونکه بوتلرده، قیرغیزلره متعلق قهره لر، آشاغیده کوره جکمز کبی، میلاددن اولکی ایلك عصره عانددر. حالبوکه چینجه اولمایان کله لرك چینجه یه نقلنده، بو کونکی تلفظی نظر اعتباره آلدیغمز تقدیرده، قطعاً آکلاشیلما یه جق بر درجه ده تحریف ایدلیدیکی معلومدر. بواسکی تلفظلری ایسه بیله مدیکمز جهتله باشقه منابعدن کله معلومات یوقسه، بوکی اشکاله متلق قوروشلر صرف فرضیاتدن عبارتدر.

مع مافیه باحوال و شروط تحتنده ده یو آن خاندانی وقعه نویس لرینک ذکر ایدیدیکی ki-li-ki-se شکل ی qyrqyz کله سنک تام بر تقلیدر. اساساً چینجه اثرلرده بو کله یه تام بر امنیتله تطبیق ایده بیله جکمز داها باشقه بر شکل بوله مایورز (۱۴). قارا «بالغاسون» آبده سنک چینجه متنی kien-k^{un} قومنك اسمنی ذکر ایدییور. حالبوکه بو کتابه نك گوک تورکجه متنی (۱۵) او قادار

تورک اسمنك ایضاح و تفسیری. KCSA جلد ۱، ص ۵۷ - ۵۸. ق. فوندر غابله نتس، تورک اسمی حقنده، شرقی بیلمه سی ایچون مجموعه (آلمانجه) جلد ۲، (کوئینغن ۱۸۳۷) ص ۷۰. غابله نتس چینلیلرک تفسیرینی دوغرو بولویور و تورکجه بر «ترك طولغا) کله سندن حرکت ایدییور (حالبوکه بو آنجا یکی فارسی ترك کله سی اوله بیلیر. tu-kie کله سنک تورکجه موغولجه دولغا، دوغولغا کله لرایله مقایسه سی I. Schmidt. ده ده واردر، اورتا آسیا اقوامنك قدیم دینی، سیاسی و ادبی تشکل تاریخلرینه حاند تبیلر، سننترسبورغ ۱۸۲۴. ص ۴۱ (آلمانجه).

(۱۳) اورخون کتابه لری XXXVII، نوط ۲۸.

(۱۴) M.S Fou، ص ۱۳۲، ۸، ۸۴، XIII، ص ۶۱-۷۲؛ XIV، ص ۱۵-۲۲.

(۱۵) زادلوف، اسکی تورکجه کتابه لر، ص ۲۹۱.

قیرقیدرکه مقصد مزه قطعاً الویریشلی دکلدرد. پک فنا برحاله بولونان اویغورجه متن ایسه هنوز ناشرینی بگله یور (۱۶).

بونکله برابر بو kien k'un کیدن مراده حالده قیرغیز لر اولدیغی شبهه سزدرد. (طبیعی چینجه نکلک اصل شکله ناصل تقابل ایتدیکی آیری برمنسئه در). بو وثیقه شوندن دولای مهمدر: چونکه Ts'ien Han šu فصلنده بو kien k'un لر میلاددن اولکی برنجی عصرده Hung-no لرله برلکده کورولویور (۱۷). مرحاله «شاه غل» kien k'un لرله عاندایلیک خبرک چینده kik k'un وهی خاندانی زمانه عاند (۲۲۷ - ۲۶۴) اولدیغی ادعا ایتکله یا گلگده در (۱۸).

بوندن ماعدا شو صایه جغیز اسمارده قیرغیز کله سیله علاقه دار عد ایدیلکده در: kit-kut-seckit kut, ket-kut (۱۹) kit-hut (۲۰). فقط بو ایکی واوچ هجلی شکل لک بربر لیه، صورکده سائر یرلرده منقول qyrqyz کله سیله نه صورتله رابطه دار اولدیغی قاریشیق برمنسئه در. بوراده اوکا داتر مسروداتده بولونمق ایسته میوز (۲۰ a).

المزده یونانجه برمنبع ده وار: «مه نادر پروته قتور» که بو ذات تورک خاقانک یونان ایلچیسی زه مارخوسه بر جاریه هدی ایتدیکی، بونک ایسه η̄ δε η̄ν ἐκ τῶν λεγομένων Χερχίς یعنی «قیرغیز دیدکلری سویدن» اولدیغی روایت ایتکده در (۲۱). گرك كوك تورکجه (۲۲) وگرك كوك تورک حروفاتیه یازیلش اویغورجه کتابه لر (۲۳)، بواسی قیرقیز qyrqyz صورتنده محافظه ایتکده در.

(۱۶) رادلوف، موغولستان آثار عتیقه سی آطلسی، تابو XXXIIb

(۱۷) دوغروت، میلاددن اولکی هونلر، برلین - لایپزیغ ۱۹۲۱، جلد ۱، ص ۶۴ (آلمانجه)

قلا پروت، آسیایه عاند مخطره لر، جلد ۱، ص ۱۶۵.

(۱۸) MS Fou، IX، ص ۸۰.

(۱۹) دوغروت، عینی یرده، جلد ۱، ص ۶۲.

(۲۰) MS Fou، IX، ص ۸۱.

(۲۱) بون طبیعی ص ۸۳، ۱۸، ومتعاقب. Dietrich (جغرافیا واتنوغرافیا یه عاند یزانس منبع لری،

عنوانلی (جلد ۱-۲، لایپزیغ ۱۹۱۲) آلمانجه اثرنده Gelzer ی (یزانس مدینتی تاریخی، توینغن

۱۹۰۹، ص ۶۸، آلمانجه) تصحیحه قالدیشورق موضوع بحث قیزک چرکس اولدیغی ایلری سورویورده

C. R. Beasley ده «پلانو قارپینی وویلیام روبر وکویسک متن و ترجمه لری» عنوانلی (انگلزجه) اثرنده

عینی ملاحظه یی سرد ایدیورکه، پک صاچه در. لوندرد ۱۹۰۳، ص ۸۴ و ۲۸۱.

(۲۲) رادلوف، اسکی تورکجه کتابه لر، ص ۱۰۹.

(۲۳) رامستد، شمالی موغولستانده ایکی اویغورجه کتابه، JS Fou، 3، XXX، ص ۴۴.

عزب مؤلفلری قسماً «خرخیز» (خرخیز) - نته کیم اصطخرای، ابن الفقیه الهمدانی، ابن حوقل، ابن خرداذبه (۲۵)، شمس الدین ابو عبدالله محمد الدمشقی (۲۶) و سائرلری - قسماًده قرقز [محمود الکاشغری] (۲۷) یازمقدمه درلر .

عجمجه منبعلر «خرخیز» [کردیزی، قزوینی] (۲۸) و «قرقز»، «قیرغیز»، «قیرغیز» [جوینی] (۲۹) شکللرینی ویریور .

ابوالغازیده ایسه «قیرغیز»، «قیرغیز»، «قیرغیز» (کرکیز) شکللری کورولمکده در (۳۰).

سانانغ سه تسهن «دوربهن اویراده»ی تشکیل ایدن قوملرله اجدادینی صایور (۳۱). بونلردن رنجیسی «کەرگوت» قومیدرکه، «ی. شمید» بونی Qyrqyz کله سیله برله شدیور، چونکه پاللاسه (۳۲) ده دورت اویراد قومنک اسملری شونلردر: «اوهلوت»، «خویت»، «تومهده»، باشقه یرده «باهتود» و «بارغابورات». شو حالده ایلك اوچی سانانغ سه تسهنله اویشویور. کذا «بارغابورات» ه تقابل ایدن «کەرگوت» لرده . زیرا قالموکلر او زمان قارا قیرغیزلره «بورات» دیورلردی (۳۳). شوته نظراً قیرغیزاسمی بوریا تجمده «کیرگیت» در (۳۴). بوریات

(۲۴) KSz ، III ، ص ۴۲ - ۴۳

(۲۵) KSz ، III ، ص ۳۲

(۲۶) شمس الدین ابو عبدالله محمد الدمشقی نک قوزموغرافیسی، M, F. Mehren ، سن پترسبورغ ۱۸۶۶ ، عربجه متنی (فهرست)

(۲۷) دیوان اللغات الترك ، جلد ۱ ، استانبول ۱۳۳۳ ، ص ۲۸ الخ .

(۲۸) KSz ، III ، ص ۳۲ و ۴۳ - ۴۴

(۲۹) رادلوف ، قوداقوبیلیک ، قسم ۱ ، ص XLV .

(۳۰) ابوالغازی بهادر خانک موغول و تاتارلر تاریخی M. Frähn ، طبعی، قازان ۱۸۲۵ ، ص ۵۴

(۳۱) ئی . ی . شمید ، شرق موغوللری تاریخی ، سن پترسبورغ ۱۸۲۹ ، ص ۵۶

(۳۲) پاللاس ، تاریخی خبرلر کلیاتی ، جلد ۱ ، ص ۶ (آلمانجه) .

(۳۳) ئی . ی . شمید ، تبعلر ص ۴۵ - ۴۶ . کذا لک بوداپشته ده کی عنوانسزودورت (چینجه ،

مانچوجه ، موغولجه ، تورکجه) ، حتی آلتی دیلی (تونفوزجه ، قالموچه) لغتی ۱ نجی جلدنده

37b II چینجه pu-lu-te ، مانچوجه burut ، موغولجه Burugut کله لرینک تورکجه مقابلی اولوق

اوزره kerkis کله سنی ویریور !

(۳۴) خالص قیرغیزلره دائر ، ص ۴۳۸ ، نوط ، . شوت بوکا بناء قیرغیز کله سنک جمع شکلی

اوله سی احتمالی ایلری سورویور، داها باشقه برشی علاوه ایچیور . T'oung Pao نک ۱۹۱۵ سنه سی

نسخه لری مع التأسف اله یکمه مشدر .

طوپراغنده بولونان قوزغانلرده کیرگیت ئوؤر kirgit-üür دیورلر (۳۵) . کذالك آلتای قبیلهلرندن بری ده kirgit « کیرگیت » نامی طاشیمقده در (۳۶) .
 بوراده قیرغیزلرک موغول قبیلهلرندن بریله داهابویوک بروحدت تشکیل ایتدیجی واضحدر .
 بو موغول تاسلرینه عائد آبدهلر دن اولمق اوزره قیرغیزجه، موغولجه دن مقتبس متعدد کلهلر و برچوق قدیم موغول قبیله اسملرینی محافظه ایتمکده در (۳۷) . سانانغ سه تهن طرفندن کەرگود kergüd ریسی اولمق اوزره ذکر ایدیلن اوگهچی خاشخاغا Uğāči Xašxaya ننگ تورک اصلندن اولمیشی ده بونکه ایضاح ایدیله بیلیر .

ذکری فائده دن خالی دکلدرکه «شله غل» تیتجه Jigs-med-nam-mka ده کی k inc ā کله سنی (که موغولجه ده kemk em'ce شکلنده در) قیرغیز کله سیله برله شدرمشدر (۳۸) .
 بو طرز قبول چین منابنه نظر آ بعض اتنوغرافیک عامللره (بالخاصه صاحب قیرمیزیلنی کی) استناد ایتدیریلور . لکن بو kemk emc'e ننگ موغول مورخارندن ماعدا سائر یرلرده (ابوالغازی ورشیدالدینده) ده راست کلین kemčik ویا دها دوغروسى ut (۷) kemkemči دن باشقه برشی اولمادینی قطعاً شبهه کوتورمز . آنجاق نظره شایاندرکه ابوالغازی کتابنک بر فصلنده هرایکسندن ده بحث ایدر (۳۹) . قلا پروته نظر بوتسمیه (قارا) قیرغیزلره مائدر (۴۰) .
 دها اوفاق تورک زمهرلری ده « قیرغیز » نامی قومی اسم اوله رق محافظه ایتمشلردر .
 مثلاً آلتای، ساغای و باشقیرد بویلرندن بری « قیرغیز » نامی طاشیمقده در (۴۱) . تورکمنلر دن شهرا یوغورلرنده ده کەرگیس kergis اسمنده بر بوی واردر (۴۲) .

(۳۵) شوت، عینی اثر، ص ۴۵۲ - «رامسته» ده کوره اسملری Xirgis-ur قیرغیز مزارلری در .
 حالبوکه بو دها یکی بر شکل اوله بیلیر .

(۳۶) وامبهری ، تورک عرق ، ص ۱۱۱ (ماجارجه)

(۳۷) ابوالغازی ده قیرغیز - موغول اختلاطی ذکر ایدر : بو وقتدا قیرغیز نسلندن کشی ازدورور . موغول دین و اوزکا اوروق لاردین اوتغه سوغه بولوب قیرغیز یورتینه باریب اولتوروب تورور و قیرغیز آتین کوتاریب تورورلار ص ؛ ۲۶ و ۲۷ ، قازان طبعی .

(۳۸) MSFou ، جلد IX ، ص ۱۴۰ - ۱۴۴ .

(۳۹) قیرغیز کهمکچوت ایلیننک ذکر ... Frähn طبعی ، ص ۲۶ .

(۴۰) آسیایه عائد مخطرات ، جلد ۱ ، ص ۱۶۲ (فرانسزجه)

(۴۱) رادلوف ، اتنوغرافیک اجمال ، ص ۸ ؛ کذا قلا پروت Asia polyglotta ، ص ۲۲۱ .

(۴۲) غ ، مانتره ایم ، سارو وشهرا یوغورلرینه بر زیارت JS Fou ، جلد XXXVII ، ص ۲ ، ص ۳۳ .

بوقوم اسمىنىڭ اصلى شەكلى، ك اسكى و موئوق مەنبەلىك شەھادەتلەرنىڭ ئاڭلاشقا يېتىشەنە كۈرە، قىرغىز qyrqyz در؛ بوتون دېكەرلىرى، سادەجە، داھا يېڭى تەھوللەردىر. بو «قىرغىز» ايسە فەكرمەزە كۈرە « قرق » صايسىنىڭ «ز» ايلە جەملەش بر شەكلەندىن باشقا برشى دىكلەر. شىمدى بورادە شوپلە بر مەسىئە توضع ايدىر كە بوتەسميە تورك اسم وىرمە تەاملارلە ناصل توفىق ايدىلە بىليور؟ بونك ايچون، اولاموغوللار دەكى قومی اسملىرى نظردن كچىرمك (۴۳) ايستە يورۇز. چونكە بو جەھت تورك تەاملارلە او قادار مەشرك نەقەلەر عرض ايدىيور كە، بونك مەنبەسى اولوق اوزرە، يامەين بر تارىخى ارتباطى، ويا ھەرايكى زمەرە يە خار جەدن واقع اولمش مەشرك بر مەدىت تەثيرىنى قبول مەجبور تەندە يز .

كرك تورك و كرك موغول قىيلە تەسميە طرز لرنەندە، صايى اسملىرى بويوك بر رول اوينارلر (۴۴). بونلر بالخاصە چەتتە قىيلە اسملرنەندە كورولور . بەضادە يال كز صايى عىنى رولى ايفا ايدىر .

مثلا : صايى اسملرلە يايلىمش قىيلە اسملىرى شونلردىر :

چوق كره ذكرى كچن «كىماك» Kimak مار قووارتە نظرا عن اصل «ايكى ايماك» iki imäk ايدى (۴۵). اور خون كتابەلرى چوق كره اوچ قوريقان üč quryqan نلرى ذكرايدىر (۴۶). قارا قىرغىز بويىلرنىڭ برى اوش تامغا üš tamga (۴۷)، «اوزبك» عشىر تەلرنىڭ برى «اوچ تامغالى» üč tamgaly اسمنى طاشىر (۴۸). «چىنلىلر اوچ قارلوق» قىيلە سنى دە ذكرا ايدىرلر ، حتى بونلردن خبىر آليورز كە، بونلر داھا صوكرە «اوچ قىيلە» San sing نامى دە آلمش لردىر (۴۹).

(۴۳) مع التأسف بونك ايچون لازم كان مأخذلرە دسترس اولەمام .

(۴۴) باقىكز : رادلوف . قودا تقوييليك ، قسم ۱ ، ص XXXII نوط ؛ ز . غومبوتس

Magyar Nyelv مجموعه سى ، جلد XI ، ص ۲۴۷ و متعاقب .

(۴۵) فر . ھىرت شرفنە چىقاريلان (Ostaiat. Zsch) اقصى شرق مجموعه سى ، جلد VIII ؛

(اورتە آسيا وسىبىر يانك تارىخى اتنوگرافياسنە دائر)

(۴۶) MSFou ، جلد ۷ ، ص ۱۴۰ .

(۴۷) رادلوف ، اتنوگرافىك اجمال ، ص ۲۴ .

(۴۸) رادلوف ، سىبىر يادن ، جلد ۱ ، ص ۲۲۶ (آلمانچە) .

(۴۹) MSFou ، جلد XI ، ص ۱۸ ؛ جلد ۷ ، ص ۷۱ ؛ JSFou ، جلد XXX ، جزء ۳ ،

كذلك، ابوالغازی اوج تورکمن قبیلهسی ذکرایدرکه بونلرک مشترک نامی «اوج ایل» (üçil) ایدی (۵۰) .

«ارلات»، «به رلاس»، «ته رلاس»، «تارقان» ویا «سولدوز» قبیله لرینک مجموعنه ده «تورت اولوس» دینمکده در (۵۱). دورت افغان موغول قبیله سنه «چور آیماق»، «دورت قبیله» دینیر (۵۲). قازاق عشیرت لرنده «تورت قارا»، «تورت آوول» (۵۳)، «چار جیتیم» «دورت جیتیم» (۵۴)، «تورت تامغالی» (۵۷). تهله بؤتلرده «تورت آس» (۵۶)، اوز بکلرده (اولجه اسمی کچن) «تورت تامغالی» (۵۷). «بش به رن» (۵۸) «بش که میپر» (۵۹) قاراقیرغیز عشیرت لریدر. «بش بویاق» (۶۰) برشورتس، «آلتی آیاق» (۶۱) قاراغاج عشیرت لریدر. نینسه ئی کتابه لری «آلتی اوغوز» (۶۲) اورخون کتابه لری ده «آلتی چوب» (۶۳) لری ذکرایدر. قاراقیرغیزلرده «جتی قول» (۶۴) قازاقلرده «جتی اورو» (۶۵) ساغایلرده «جتی پورو» لر (۶۶) واردر. کوك تورك كتابه لری ایسه «سکن اوغوز».

(۵۰) آموسوی نینک یقاسیندا ایکین ایکیت اولتورغان اوج اوروق تورکان بار ایردی . انی اوج ایل دیرلار ایردی، ابوالغازی ، فرن طبعی ، ص ۱۱۷ .

(۵۱) تورت اولوس تاریخی، اولوغ بك محمد تورغای (تولدی ۱۳۹۴ م .) فارسی اوله رق یازمشدر : شجرة الاتراك او اولوس اربعة جنكزی . باقیکنز : J. Thury ، اورته آسیا تورك ادبیاتی ، ص ۳۰ (ماجار آقاده میسی لسانیات شعبه سی بولتی ۱۹۰۷)

(۵۲) رامستهد ، موغول یقا ، JSFou ، جلد XXIII ، جزء ۴ ، ص III .

(۵۳) رادلوف ، اتنوگرافیک اجمال ، ص ۲۷

(۵۴) رادلوف ، عینی اثر ، ص ۲۶

(۵۵) وامبه ری ، تورك قومی ، ص ۲۸۶

(۵۶) رادلوف ، اتنوگرافیک اجمال ، ص ۱۴

(۵۷) رادلوف ، سییریادن ، ص ۲۲۵ (جلد ۱)

(۵۸) رادلوف ، اتنوگرافیک اجمال ، ص ۲۴

(۵۹) وامبه ری ، تورك قومی ، ص ۲۶۵

(۶۰) وامبه ری ، عینی اثر ، ص ۹۳

(۶۱) رادلوف ، اسکی تورکچه کتابه لر ، ص ۳۰۸

(۶۲) رادلوف ، عینی اثر ، برنجی جزء ، ص ۳۰۸

(۶۳) JFou ، جلد ۷ ، ص ۱۵۴

(۶۴) وامبه ری ، زاغریاسکی به عطفاً) ص ۲۶۵

(۶۵) رادلوف ، اتنوگرافیک اجمال ، ص ۲۷

(۶۶) رادلوف ، عینی اثر ، ص ۸

(۶۸)، «توقوز اوغوز» (۶۹)، «توقوز تاتار» (۷۰) شكلينى ويرمكده در. قيتاى قپچاقلردم بر «توقوزباى» (۷۱) واردر؛ رشيدالدين و ابوالغازى چوق كره «توقوز اويغور» (۷۲) و «اون اويغور» (۷۳) لردن بحث ايدرلر. اورخون كتابه لرى ده «اوتوز تاتار» لرى (۷۴) صيق صيق ذكر ايدر. بولغار تورك قبيله لرى «اوتوز غور» (۷۵) و «اون اوغور» (۷۶) اسملرني طاشير. بوكا عابد موغول مثاللرى ده اكنيك دكلدر. مثلاً: «دوربه ن او يراده» (۷۷) (دورت او.)، «دوربه ن خوربه» (۷۸)، «دوربه ن خارى» (۷۹)، «تابون نوتوق» (۸۰) (بشن .)، «دولوغان تومه د» (۸۱) (يدى ت .) آريان خويار تومه د (۸۲) (اون ايكي ت .)، «نايمان مينغان خويت (سكز بيك خو.)» (۸۳) موغوللر ك وحدتلى اسمى سانانغ سه تسه نده «دوچين تومه ن» (قرق ت .) در (۸۴).

(۶۷) رادلوف ، سيبريادن ، جلد ۱ ، ص ۲۳۶

(۶۸) JS Fou ، جلد XXX ، جزء ۳ ، ص ۱۷

(۶۹) JSFou ، جلد XXX ، جزء ۳ ، ص ۱۳ و MS Fou ، جلد ۷ ، ص ۱۴۷ متعاقب.

(۷۰) MS Fou ، ۷ ، ۱۴۰ و JSFou ، XXX ، ۳ ، ۱۷

(۷۱) رادلوف ، اتنوغرافيك اجمال ، ص ۲۴

(۷۲) رادلوف ، قود اتقوييليك ، 1 ، ص XXV ، ابوالغازى (رادلوفه عطفاً) .

ص XXXVIII—XXXIX ، KSz ، XIX ، ۱۹

(۷۳) JSFou ، XXX ، ۳ ، ۱۳

(۷۴) MSFou ، ۷ ، ۱۴۰

(۷۵) پريسقوس ده تور ، بون طبعى ، ص ۱۵۷ ، KSz ، XIX مقاله سى . غ . فههر

(۷۶) ژ . نهيمت ، KCSA ، ج ۱ ، ص ۱۴۸

(۷۷) سانانغ سه تسه ن ، ص ۵۶ - پكين جامعه نده كى دورت ديالى كتابه نك مانچومتى duin-oirat-sa

صورتنده در . باقكز بانغ KSz ، III ، ص ۹۶ ؛ چقنايجه متنده ؛ دوربون اويرات كورولويور .

باقكز: قل. هوآر ZDMG ، ۲۷۱ ، ص ۲۱۴ و ۲۲۰ .

(۷۸) سانانغ سه تسه ن ، ج ۲۷۱ ، ص ۲۰۶ .

(۷۹) پاللاس ، تاريخى خبرلر كليآتى ، ج ۱ ، ص ۲۹ .

(۸۰) پاللاس ، عينى اثر ، ص ۲۲۲ .

(۸۱) سانانغ سه تسه ن ، ۲۲۵ .

(۸۲) كندا ، ص ۱۹۰ ، ۱۹۶ ، ۲۰۴ ، ۲۴۴ ، ۲۴۶ .

(۸۳) عينى اثر ، ص ۲۰۸ .

(۸۴) كندا .

بوکنی احوالده، صای، قبیله نك قاج عنصر دن متشکل اولدیغنی ارأئه ایدر. بوايلك موجود طبیعی صوکردن دكیشه بیلیر. فقط بز شیمدی بومرکب قبیله اسملریله اوغراشه جق دکلز. بزجه مهم اولان، ساده جه، صای اسملرندن یاپله قوم تسمیه لریدر.

«سانانغ سه تسهن» موغولره چوق کره «دوچین» نامنی ویرر. «اویراتلر» دهه (۸۵) «دوربه ن» دیر (۸۶) اوز بك قبیله لرندن بری ده دوربه ن (۸۷) (دورمن) نامنی طاشیر. قازاقلرده آلآن نایمان اسمنده (سکز معناسنه) بر بوی (۸۸) واردر. کذا قار اغاچارده دهه (۸۹)، قوندورلرده ده، آلتایلیلرده (۹۱)، ته له توت (۹۲) و اوز بکلرده (۹۳)، «جانگی نایمان» (۹۰) واردر.

سانانغ سه تسهن «جیرغوغان» (آلتی) (۹۴) ساده جه اسمنده بر موغول زمراه سی ذکر ایدر. «غوچین» (اوتوز) لر «جه کون غار» قبیله لرندن بریدر (۹۵). باشقیردلرده و قازاقلرده ساده جه تاین (سکز) (۹۶) بوندن ماعد باشقیردلرده آیریجه «بارین تاین» و «قاراتاین» (۹۷) اسمنده ایکی عشیرت واردر. افغانستانده بر موغول قبیله سی، هزاره (۹۸) (بیکلر) اسمنده در. بر نوغای (۹۹)، بررتوبول (۱۰۰) و برتوبا (۱۰۱) قبیله سی توقوز (Toquz) (togux)

(۸۵) عینی اثر، ص ۴۰۲.

(۸۶) عینی اثر، ص ۴۰۳.

(۸۷) شیخ سلیمان افندی لغتی، قونوش طبعی، ص ۶۰.

(۸۸) رادلوف، اتنوگرافیک اجمال، ص ۲۶.

(۸۹) وامبه ری، تورک قومی، ۵۵۹.

(۹۰) عینی اثر، ۵۵۴.

(۹۱) رادلوف، اتنوگرافیک اجمال، ۱۱.

(۹۲) عینی اثر، ۱۲.

(۹۳) ابوالغازی، فرن طبعی، ص ۸.

(۹۴) سانانغ سه تسهن، ۲۶۴.

(۹۵) عینی اثر، ۲۰۷.

(۹۶) ژ. قاستانیه، قیرغیزلرک دامغاسی، پارس ۱۹۲۱، ص ۲۶. رادلوف، اتنوگرافیک اجمال

۲۷. - فلاپروت، آسیا پولیغولوتا، ۲۲۱.

(۹۷) آسیایه پولیغولوتا، ۲۲۱.

(۹۸) غ. رامستد، موغولیکا، ص III.

(۹۹) هامهر، عثمانلی تاریخی، ج ۴، ص ۱۶۹.

(۱۰۰) رادلوف، سیبیریادن، ۲۴۷.

(۱۰۱) رادلوف، اجمال، ۱۱.

اسمنده در. قلاپروت اوتوز otuz (۱۰۲) نامنده برسییریا قبیله سی ذکر ایدر. «قیرقن یوز» قبیله سی ایکی عشرته منقسمدر: «قرق ویوز» (۱۰۳) تو بالرده برعشیرت و بوی «یوز» نامنده در (۱۰۴). قازاقلرده اوچ جوس: یوز « dzüs منقسمدرلر: (اولو، اورتا کیچی) . (۱۰۵). برباشقیرد قبیله سی ده ساده جه مینك (بیک) mein در. (۱۰۶)

موغولجه ده بونوع قبیله اسملرینه عائد داهاباشقه برطاقم شکلر واردر: صایى عددلرینك جمعلری قبیله اسمی اولویور. متلا تومه د tūmāds (بیکلر) (۱۰۷) ، غوچیت gučit (اوتوزلر)؛ بوریا تلرده برزمه (۱۰۸) ، جیسود dz'isud (دوقوزلر) (۱۰۹) ، دالاداد (دالادا) (۱۱۰) ، نایمات naimat (سکزلر) (۱۱۱) ، مینغاداد minyadad (بیکلر) (۱۱۲) .

بو قبیله ووصوی اسملرینك مقابللری اولوق اوزره تورکجه ده قلاپروتك باشقیردلر آراسنده ذکر ایتدیکی بر قبیله نك اسمی اولان «توقوزلر» (۱۱۳) ایله «اونلر» (۱۱۴) و «اکیز» (۱۱۵) واردر . ایشته «قیرقز» فکر مزجه بونلردن بریدر .

ساده جه بر عدددن متشکل قینه اسملری شو صورتله ایضاح اولونه بیلیرکه، اولجه بونلر چفته عنصرلی مرکباتدن ایکن قبیله ووصوی کی معنارله کلن ایکنجی جزئلری بالاخره دوشمش ویا لکنز عدد اسمی قالمشدر (دوچین ، دوربه ن کی) .

- (۱۰۲) آسیا پولیغولتا، ۲۲۳ .
- (۱۰۳) اجال، ۲۱ .
- (۱۰۴) اجال، ۱۱ .
- (۱۰۵) اجال، ۲۵ .
- (۱۰۶) آسیا پولیغولتا ۲۲۱ .
- (۱۰۷) سانانغ سه تنه ، ص ۱۷۰ متعاقب ؛ ابوالغازی ص ۲۸ - ۵۳ .
- (۱۰۸) پالاس ، تاریخی خبرلر کلیاتی ، جلد ۱ ، ص ۱۴ .
- (۱۰۹) سانانغ سه تنه ، ص ۱۸۲ و ۳۸۰ .
- (۱۱۰) سانانغ سه تنه ، ص ۱۸۶ و ۱۸۸ .
- (۱۱۱) پالاس ، تاریخی خبرلر کلیاتی ، جلد ۱ ، ص ۱۰ .
- (۱۱۲) سانانغ سه تنه ، ص ۲۰۹ .
- (۱۱۳) آسیا پولیغولتا ، ص ۲۲۱ .
- (۱۱۴) رادلوف ، قوداتقو بیلک ، جلد ۱
- (۱۱۵) وامبهری ، اورتا آسیا سیاحتی ، پشته ۱۸۶۵ ، ص ۲۷۹ .

عموماً معلومدرکه میلاددن اولکی هونلرده، وموغللرده اردو اون بیکر، بیکر، یوزر و اوئر کشیک جزء تاملردن مرکبدی (بوترز، موغللرک ایرانده کی حاکمیتلری اثناسنده داها ای بر صورتده انکشاف ایتدیریلشدن). هر قطعه نك آریجه قوماندانی وار ایدی . «یوز»، «مینک»، «تومهن» اسملری احتمال بوتشکیلات ایله ایضاح ایدیله بیلیر . یعنی بوتقدیرده قبیله اسمی ساده جه عسکری بر تشکیلات محصولی اولویور (۱۱۶) .

تورکلرک اسکی چاغنده، بو عسکری تقسیمات یاننده «سیاسی» دیه بیله جکمز باشقه بر شکل واردی . (مع مافیه بوایکیسی آراسنده هیچ بر زمان قطعی برخط چیزیله من) . معلومدرکه کوك تورکلرک غرب ایلی «اوقلره» تقسیم ایدلشدی . بوکا نظراً «اوق» داها اوافق بر ایلی ویا (بوی) جزء تامنی افاده ایدیوردی ؛ نته کیم موغولجه ده سومون Sumun غ. ی. رامسته ده کوره (۱۱۷) ۱۲۰-۲۰۰؛ ئی. ی. شمید (۱۱۸) وغولستونسکی به (۱۱۹) کوره ده ۱۰۰ کشیک برهیتی، و نته کیم مانچوجه ده هم اوق هم ده جماعت معناسنه کلن نیرو niru کله سی ده ۱۰ کشیک بر زمهره یی افاده ایتکده در (۱۲۰) .

ایشته بوتسمیلر قبیله وقوم اسملرینه اساس اولویور . اوریا نچایلرده متعدد عالهلر سومین Sumyn حالنده داها کنیش بر زمهره تشکیل ایدرلر (۱۲۱) . کوك تورکجه و او یغورجه کتابهلر غربی کوك تورک ایلنه « اون اوق بودون » نامنی ویرییور (۱۲۲) . تورکلرک دیگر بر

(۱۱۶) اوردو تقسیماتنک قبیله اسملرینه اساس اولدیغنه دائر داها باشقه مثاللرده واردر . (ی. هاممزه، قیچاقده کی آلتون اوردو تاریخی ، بشته ۱۸۴۰ ، ص ۲۱۳) . کذک بر تورکن قبیله سی «قارائول» اسمنی طاشیر (وامبه ری، اورته آسیا سیاحتی، ۲۷۹) . موغوللرله سینورداش تورکلر ده صاغ جناحه جونفار (وامبه ری- بوده نس، آبوشقالتی، ص ۶۰: چونفز، دوغروس، چونفر، ضول جناح (هامر، عینی اثر) . جونفار قوم اسمنک منشای بودر (بانغ، KSZ، III؛ ۹۶ ، ق. هوآر ZDMC LVI ، ۲۱۴ و ۲۲۰ ، پالاس ، ۱ ، ۱۱ .

(۱۱۷) JSFou ، XXX ، ۳ ، ۴۷ .

(۱۱۸) موغولجه - روسجه - آلمانجه لغت . ص ۳۶۸ .

(۱۱۹) موغولجه - روسجه لغت ، پترسبورغ ، ۱۸۹۴ . جلد ۲ ، ص ۳۴۹ - قوواله وسکی (لغت ، جلد ۲ ، ص ۱۴۰۳) یالکنز بولوك ، قطعه معناسنی ویرییور .

(۱۲۰) ئی . زاخاروف، مکمل مانچو - روس لغتی ، پترسبورغ ۱۸۷۰ ، ص ۲۳۶ . فون در غابله نس، سه یشو، شو - کینغ وشی - کینغ ه طائد مانچو لغتی ، ۱۸۶۴ ، ص ۱۵۹ ؛ ق . هارلز ، مانچو لسانی بدرقه سی ، پارس ۱۸۸۴ ، ص ۲۰۸ (فرانسزجه) .

(۱۲۱) رادلوف، اتنوگرافیک اجال، ص ۱۵-۱۰ . تومسن، تورسیقا، MSFou ، XXXVII ، ص ۸ .

(۱۲۲) و. تومسن ، تورسیقا ، ص ۴-۱۷

شعبه سی‌ده «اوغوز» نامیله معروفدر (بختی داها آشاییده‌در). تورکمنلرک قدرتلی بر بوی سومود Sumud نامنی طاشیر (که بو «اوغوز» ک تام مقابلی اولق لازم کلیر) (۱۲۳). تاین ده یاری عسکری یاری سیاسی بر تشکیلات ایدی. (۱۲۴) بو کله ده قبیله اسملرینه داخل اولمشدر. اوچ تاین (۴) ، بایان تاین (۱۲۵)، قاراتاین ، بارین تاین .

قیرغیز اسمی ایسه بوتون بونلرله شوصورتلر رابطه داردر: «وامبه‌ری»، هر حالده «زاغری یاسکی» یه تبعاً ، قیرغیزلرک تشکیلاتی تصویر ایدرکن شونلری سویله یور: « بو بویلرک متعدد تالی صنفراری ویا ، قبول ایتدی کمز تعبیره کوره، هائله لری واردر، که بونلرله قازاقلر «تایپاس» یعنی قطعه قوماندانلری (؟)، قارا قیرغیزلر «کیرک» داها دوغروسوی «قیریق» یعنی پارچه، قطعه ناملرینی ویررلر. » (۱۲۶) . فقط بو « دوغرو لته » تماماً لزومسزدر، زیرا کله بوکا حاجت قاله دن ده پک واضح بر معنا افاده ایدر: زیرا بوراده موضوع بحث اولان ساده جه قرق یعنی داها اوافق بر جزء تام دیمکدر . بو کبی جزء تاملرک حقیقه موجود اولدیغنی ده بزه «پاللاس» بیلدیر مکده‌در. بو ذات قالموقلردن بحث ایدرکن دیور که: برزایسان ک قوماندا ایتدیکی جماعته آیماق دینیر که بونلر بر وچوق الی اوچ ویا داها زیاده اوجا قلقلردن مرکب اولوب اکثریا قرق قرق بر (آخخا achcha ویا ده موچی dämütschi) یعنی ناظرک اداره سندله طاقمیلر تشکیل ایدر و دائماً بر برلرینه یاقین اولارق اوتورورلر . سوئونغارلرده بوقرق باشیلره آن موغوللرده اولدیغنی کبی شولونفا Schulunga دیرلر « (۱۲۷) .

قیرغیز کله سنک موغولجه چشیدی اولان کهرگوت kergüt کله سی‌ده بوراده فرضی بر qyrqk* erk قرق کله سنک بر موغولجه منتها ایله جمعه نمش شکلی اولدیغنه دلالت ایتمکده‌در. طبیعی بوراده بونک تورکجه شکلی ناصل بر جمع اولدیغنی سوالی قارشیمزه چیقور.

(۱۲۳) روسیه نک علمی ییلنه سنه متعلق یازیلر مخزن، ناشری آ. آرمان . برلین، جلد ۳ ، ص ۲۳۶ (آلمانجه) . باشقه منبعلرده شواهدی یوقدر . یوموت jomut ایله نه یولده رابطه دار اولدیغنی کسدر بره میورم . اونک ایچون قید احتیاط ایله بیانه لزوم کورمکده‌یم .

(۱۲۴) پاوه ده قورته‌ی ، شرق تورکجه سی لغتی ، ص ۱۹۴ : تاین ۵۰ کیشیک بر هیئت؛ شیخ سلیمان : (رادلوف قاموسی ، جلد ۳ ، ص ۹۷۶) تاین : بر بلوک عسکر .

(۱۲۵) پاللاس، تاریخی خبرلر کلیاتی ، جلد ۱ ، ص ۱۳ .

(۱۲۶) وامبه‌ری ، تورک قومی

(۱۲۷) پاللاس ، تاریخی خبرلر کلیاتی ، جلد ۱ ، ص ۱۹

(ز) ایله نهایتله ن تورکجه اسملرک اشتقاقی ایضاحی کیفیتی ایله چوق دفعه اوغراشمش. اولان «بانغ» (۱۲۸) شونتیجه یه وارییورکه، بونلر (هر نوع اشتقاقی بولوشلرک قیمتی مسئله سی برطرف) قسماً قدیم اسم تصغیرلردن (یالیکز)، وقسمآده اسکیمش جمع وتثنیه (؟) شکللرندن عبارتدر. «برنادمونقاچی» قدیم تورکجه ده (ز) ایله منتهی جمع شکللرینک قبول ایدیله بیله جکی فکریخی داها اول سویله مشدی (۱۲۹). بو کونکی تورک لسانلرنده (ز) نك بورولی صریح برصورتده موجود دکدر ، فقط آز چوق ایزلری فرق ایدیله بیلیر :

۱. — مثلاً ضمیرلرک جمعلرنده کورولن «ی» لی تورکجه لرده کی-ز (چوواشجه ده «ر»، یا قوتیجه ده «ت») (۱۳۰). از جمله «ی» لی تورکجه ده «آتامز»، «آنا کز»، «باریرمز»، «باریرسز»، «باریکز»؛ چوواشجه ده آتامز at'temer ، ایشکز é'er ، ویررز paraper ، قوشکز t'şu Ber (پاسونن) ؛ یا قوتیجه ده صیرتکیز köxsübüt ، دوشونورز sanıbyt دوشونورسکیز sanygyt (بوتلیغ) ؛ «بز»، «سز» .

۲. — چفت اولان اعضا اسملری بواسکی جمع اداتی محافظه ایتشلردر: کوگوس (۱۳۱). kögüz ؛ چوواشجه ده kôcôr ویا kocor) ، بگیز beniz (چغتایجه مینگیز) آغیز agyz (۱۳۲) وسآره .

۳. — فکریجه «اوغوز» کله سی ده معین بر «نفوس کتله سی» معناسنه کن «اوق» کله سنک «ز» لی جمعیدر . صوکره دن بو (ز) لی شکلک معناسی مهمله شهرک کله اسم جمع حالنده قوللانیلمشدر . (بو کونکی لسانده برچوق قدیم مدنیت کله لری کی غائب اولشدر) .

(۱۲۸) و . بانغ، تورکجه ده منفی فعلر، SBBA (برلین آقاده میسی ضبطلری) ۱۹۲۳ ، ص ۱۱۴ .

(۱۲۹) آلتای (دها دوغروسی اورال - آلتای) دیلارنده کی صایرلر ، بوده تنس آلبومی، بوداپشته ۱۸۸۴ ، ص ۳۰۵ متعاقب . - اخیراً KSZ ، جلد XVIII ، ص ۱۲۵ متعاقب . (۱۳۰) بو اولدیجه قاریشیق مسئله یه ژ . نیمه تده «یاقوت صوتیاتنک اساسلری» اثرده تماس ایتکده در (ماجار لسانیات بوتنی ، XLIII)

(۱۳۱) مونغولجه ده جمع اداتی اوله رق S (مونغولارده Z) ، t, d (که اصلاری *s *rs *ns) (*is *rs *ns) حرفلری واردرکه بو قدیم منتهی ایچون تورکجه ده ده ایزلر بولدیغی ظن ایدیورم مثلاً بز ، سز ، biz ، س کوکوس köjüs عثمانلیجه ده köküš gögüs göjs göks (که باقی کز : مونغولجه köküš köküš) جمع (köküš) ، رامسته د ، JSFou ، XXIII ، ۳ ، ص ۲۰

(۱۳۲) و . بانغ، توران مجموعه سی ، ۱۹۱۸ ، ص ۲۰۷

چین منبعی «توقوز اوغوز» کله سنی kiu sing «دوقوز قبیله» دیه ترجمه ایدیورلر . حتی تورکجه منبعلده بیله ، از جمله تورفان آبدلرنده «اوغوز» کله سی «قبیله» معناسنده اولارق موجوددر (۱۳۳). وکله عینی معنا ایله موغولجه ییده کچکشدز (۱۳۴) .

قیرقز اسمندن ماعدا دهباشقه قوم اسملرنده ده (sulduz کچی) (۱۳۵) جادات موجود اولوب موغولجه جمع اداتی اولان «ت» ایله تبادل ایدر : تله ئوس ک تله ئوت، (۱۳۶) تورغوت ک تورغود کچی .

شوحالده سوکذکر ایتدی کمز تورکجه - موغولجه قوم و قبیله اسماری ک زمره سنک ، اصلی شکللرنده قبیله و بویلرک معین برکتله سنی افاده ایدن جمعلرایکن سوکرادن اسم جمع حالنده مفرد اوله رق استعماله باشلان دقلری قبول ایدیلک اقتضا ایدر . ایشه ذکر ایتدکر مزدن ماعدا «تورکن» «اصلی تورک» ، «قرقن» (۱۳۷) «اصلی قرق» شکللری ده بومیانده در . (۱۳۸) . اسم عددلرک قبیله اسمی اولارق استعماللریخی آنجاق بوسورتله ایضاح ایده بیلیرز (دوربه ده ، غوجیت ، دالاد ، تومه ده ، (الح .)

قیرقز عنوانی بونلره عضوی بر صورتده ارتباط ایدر . بواعتبار ایله تورکجه قوم اسملرینک اک اسکی بر نمونه سنی عرض ایتدکه در [°] .

[«کوروشی چوما» مجموعه سنک بشچی نومروسنده آلمانجه اولارق انتشار ایتش اولوب راعب خلوصی بک طرفدن ترجمه ایدیلشدر] .

(۱۳۳) ف . و . ق مولر ، اویغور یقا ، II ، ص ۳۴ ، ۳۵ ، ۳۹ ، ۵۴ ، ۶۰ الح
(۱۳۴) المده کی لغتدرده (شمید ، قووالهوسکی ، غولتونسکی) بوکله یی بوله مایورم . فقط سانانغ سه تهنده dörbän ogus ترکیبته راست کلینیور ، ص ۱۱۴
(۱۳۵) قیرغیزجه قبیله اسماری اولان sultu, sult کله لرینه باقیکنز : رادلوف ، اتنوگرافیک اجال ،
(۱۳۶) قازاقلرده کی teleu زمره سنه باقیکنز : رادلوف ، اتنوگرافیک اجال ، ص ۲۷ .
(۱۳۷) اسم جمع اداتی اولان مان ، من ایچون وامبه ری مثاللر ذکر ایدیور : تورک قومی ، ص ۳۸۵ .

[°] مدرس نجیب عاصم بککده بوکا عائد دیگر فرضیه لری واردد : «قیرغیز» کله سنی «قیره چیقان ، چیمغه تمایل اولان» صورتنده ایضاح و عثمانلی تورکجه سنده کی «خیرسیر» کله سنی ده ، بواصله ربط ایتدکه درلر . بونک ایچون هر ایکسینده مشترک «ئیز» عنصرینه استناد ایدیورلرکه بواطات اکثریا تمایل وتوجه معناسنی افاده ایدر . کله تک قیاسق ، یعنی قاچاق کله سیله برلکده قوللانیمه سی بو احتمالی یقین درجه سنه چیقارمحق بر قوتده در . بوکا بناء ، خیرسیر کله سی سوک معناده اوله رق اصل کوچبه قوملر دکیل ، شهرلیله شمش خلقی نزدیکه قوللانیمه قده در . ننه کیم ، استانبول خلقنجه بک معروف اولان بوکله تک . تلاتقره یریلرنجه تماماً مجهول اولاسی بو خصوصده شایان دقتدر [مترجم]